

*Projekat CEB II – "Zatvaranje kolektivnih centara i alternativnih smještaja pružanjem javnih stambenih rješenja  
- LD 1789 (2013)" koji implementira PIU FBiH*

Broj: 04-36-1-2053-1811 /13

Datum: 03 -08- 2021 .godine

Na osnovu člana 64. stav (I), tačka b), člana 72. stav (3) tačka a) i b) Zakona o javnim nabavkama („Službeni glasnik BiH” broj:39/14), Rješenja o imenovanju Komisije za javnu nabavku broj: 04-36-1-2053-1637-1/13 od 03.02.2021. godine, te Preporuke Komisije za javne nabavke broj: 04-36-1-2053-1737-2/13 od 24.06.2021.godine, u Otvorenom postupku javne nabavke, provedene na osnovu Obavještenja objavljenog na Portalu javnih nabavki pod brojem: 668-1-2-7-3-29/21 od 04.02.2021. godine, Federalni ministar raseljenih osoba i izbjeglica, **d o n o s i**:

**O D L U K U**  
**O IZBORU NAJPOVOLJNIJEG PONUĐAČA – LOT-1**

**Član 1.**

Prihvata se Preporuka Komisije za javnu nabavku broj: 04-36-1-2053-1737-2/13 od 24.06.2021. godine, da se po provedenom Otvorenom postupku javne nabavke usluga nadzora nad izvođenjem građevinskih radova na izgradnji višeporodičnog stambenog objekta u Gradu Živinice, u okviru Projekta CEB II „Zatvaranje kolektivnih centara i alternativnog smještaja pružanjem javnih stambenih rješenja - LD 1789 (2013)“, Pod-projekat 077 SUP, Ugovor za javnu nabavku usluga dodijeli ponuđaču čija je ponuda po rang-listi odmah nakon ponude najuspješnijeg ponuđača, **Atrius Projekt doo Živinice**, sa registrovanim sjedištem u ul. Alije Izetbegovića, ZPC Park, 75270 Živinice, JIB: 4210040720005, i prihvatljivom ponudom broj: III-20-02/21 od 26 .02.2021. godine, za ponuđenu cijenu od **17.550,00 KM** sa PDV-om.

**Član 2.**

Prijedlog Ugovora o nabavci dostavit će se na potpis izabranom ponuđaču po proteku roka od 15 dana, računajući od dana od kada su svi ponuđači obaviješteni o izboru najpovoljnije ponude.

**Član 3.**

Ponuđač čija je ponuda po rang-listi odmah nakon ponude najuspješnijeg ponuđača kojem je dodijeljen Ugovor obavezan je dostaviti dokaze o kvalifikaciji ponuđača, odnosno originale ili ovjerene kopije dokumentacije iz člana 45. stav (1) tačke a) do d) Zakona o javnim nabavkama („Službeni glasnik BiH”, broj: 39/14), iz Priloga 4. tenderske dokumentacije i člana 50. stav (1) tačke a), b) i g) Zakona o javnim nabavkama („Službeni glasnik BiH”, broj: 39/14), iz Priloga 5. tenderske dokumentacije u roku od 5 kalendarskih dana. Rok od 5 dana teče od perioda zaprimanja obavještenja o rezultatima postupka javne nabavke.

**Član 4.**

Ova Odluka objavit će se na web-stranici Ugovornog organa ([www.fmroi.gov.ba](http://www.fmroi.gov.ba)), a obavijest o tome će se dostaviti svim ponuđačima koji su učesvovali u postupku javne nabavke.

**Član 5.**

Ova odluka stupa na snagu danom donošenja.

## Obrazloženje

Postupak javne nabavke usluga nadzora nad izvođenjem građevinskih radova na izgradnji višeporodičnog stambenog objekta u Gradu Živinice, u okviru Projekta CEB II „Zatvaranje kolektivnih centara i alternativnog smještaja pružanjem javnih stambenih rješenja - LD 1789 (2013)“, Pod-projekat 077 SUP, pokrenut je Odlukom o pokretanju postupka javne nabavke broj: 04-36-1-2053-1637/13 od 03.02.2021. godine.

Procijenjena vrijednost javne nabavke je 15.000,00 KM bez PDV-a.

Kriterij za ocjenu ponuda je "najniža cijena" tehnički zadovoljavajuće ponude.

Obavještenje o nabavci broj: 668-1-2-7-3-29/21 je objavljeno na Portalu javnih nabavki (www.ejn.gov.ba) dana 04.02.2021. godine. Sažetak Obavještenja o nabavci je objavljen u „Službenom glasniku BiH“, broj: 9, str. 12 od 12.02.2021. godine.

Komisija za javnu nabavku imenovana je Rješenjem Ugovornog organa, broj: 04-36-1-2053-1637-1/13 od 03.02.2021. godine.

Ugovorni organ je donio Odluku o izboru najpovoljnijeg ponuđača, broj: 04-36-1-2053-1777/13 od 15.06.2021. godine, koja je uz Obavještenje o rezultatima postupka javne nabavke broj: 04-36-1-2053-1777-1/13 od 15.06.2021. godine, upućena svim ponuđačima koji su učestvovali u predmetnom postupku javne nabavke dana 15.06.2021. godine. U skladu sa sadržajem navedenog obavještenja, te odredbama tenderske dokumentacije, izabrani ponuđač **Smajić-inženjering doo Goražde** je bio u obavezi da u roku od pet (5) dana, računajući od dana zaprimanja obavještenja o rezultatima postupka javne nabavke, dostavi originale ili ovjerene kopije dokumenata iz člana 45. stav (1) tačke a) do d) i člana 50. stav (1) tačke a), b) i g) Zakona o javnim nabavkama („Službeni glasnik BiH“, broj: 39/14).

Također, kao uslov za potpisivanje ugovora, izabrani ponuđač je bio u obavezi da u roku od 5 (pet) dana od dana prijema Obavještenja o rezultatu postupka javne nabavke, dostavi ugovornom organu odgovarajuću Licencu/Ovlaštenje za projektovanje ili izvođenje, izdatu od nadležnog kantonalnog ili federalnog ministarstava za projektovanje svih faza projekta visokogradnje, odnosno licencu za obavljanje djelatnosti građenja građevina. Ukoliko izabrani ponuđač u ostavljenom roku, propusti da dostavi tražena ovlaštenja/licence, prijedlog ugovora će se dostaviti Ponuđaču čija je ponuda po rang listi odmah nakon ponude izabranog Ponuđača, u skladu sa tačkom 22. TD.

Ugovorni organ je dana 21.06.2021. godine, zaprimio kvalifikacionu dokumentaciju broj: 442-U-21 izabranog ponuđača Smajić-inženjering doo Goražde.

Komisija za javnu nabavku u predmetnom postupku, ponovo je zasjedala dana 24.06.2021. godine, te je uvidom u dostavljenu dokumentaciju konstatovala da je ponuđač dostavio dokaze o ispunjenosti i uslova iz člana 45. stav (1) tačke a) do d) i člana 50. stav (1) tačke a) do g) Zakona o javnim nabavkama („Službeni glasnik BiH“, broj 39/14).

Također, tom prilikom je konstatovano da ponuđač u ostavljenom roku od pet (5) dana nije dostavio odgovarajuću Licencu/Ovlaštenje za projektovanje ili izvođenje, izdatu od nadležnog kantonalnog ili federalnog ministarstava za projektovanje svih faza projekta visokogradnje, odnosno licencu za obavljanje djelatnosti građenja građevina, a koja je uslov za potpisivanje ugovora.

Kako je odredbama člana 72. stav (3) tačka b) ZJN-a i tačke 22. TD, propisano da će se prijedlog ugovora dostaviti onom ponuđaču čija je ponuda po rang listi odmah nakon ponude najuspješnijeg ponuđača u slučaju da najuspješniji ponuđač propusti dostaviti dokumentaciju koja je bila uslov za potpisivanje ugovora, Komisija je dala preporuku da se ugovor dodijeli ponuđaču **Atrius Projekt doo Živinice**, čija je ponuda po rang listi odmah nakon ponude najuspješnijeg ponuđača, a koja ispunjava sve uslove tražene tenderskom dokumentacijom.

Uzimajući u obzir naprijed navedeno i odredbe člana 72. stav (3) tačka b) Zakona o javnim nabavkama („Službeni glasnik BiH” broj: 39/14), odlučeno je kao u članu 1. ove Odluke.

Dostaviti:

- Web stranica Ministarstva
- Radna grupa za javne nabavke Projekta CEB II
- a/a



MINISTAR  
dr. sci. Edin Ramić